

[Augsburg], 27. Dezember 1558

An Johannes Oporinus

UB Basel, Fr. Gr. I 11, fol. 214r.

Steinmann Nr. 706.

Lit.: Husner S. 153.

S. Spero te Gregoram, Laonicum, Zonaram cum accessione annotationum è Cedreno ad nondinas vernaſ a me accepturum. sed nihil promitto, τὰ ἄδηλα τῆς τύχης τε καὶ τῆς ζωῆς τῆς ἔμοῦ ὑφορώμενος. praeterea D. Anto[nius] questus est de pensione non soluta. per occasionem placaui ſenem vt potui. Ad Simonem Tſchart de Metochite et ad Martinum Hoffium misi puerum meum, sed vrget tabellarius. puto tamen eum non abiturum ante literas illorum acceptas. Riuium ad nondinas, si voles, ad te mittam, etsi totum opus relegere diligentius, et plura, si detur ocium, addere cupio. Praeterea nihil a me elaboratum est, inchoata complura, sed vix vnquam absoluenda. Adeò infesta sunt meis studijs negocia, valetudo, magnatum consuetudo. Nam ad animum quidem meum quod attinet, olim tibi perspectum esse arbitror ὅτι οὐδὲ ἔορτὴν ἄλλο τι ἡγοῦμαι ἢ τὸ τὰ δέοντα πράττειν, idquē Oporini exemplo, et euentu non admodum dissimili. Nam vtriusque prouentus harpyae nescio quae intercipiunt. Functij literas ad te mitto, e quibus hominis voluntatem abundè intelliges. Fac iratum places, et quoad poteris iuues, quod ipsa aequitas postulat. Ad Reiffensteinum scribam. Idem enim opus et ipse valde desidero. Vale. Cupio plura, sed me Gregoras reuocat. 6 Cal[endas] Ianuarij 1558.

Hiero[nymus] Wolfius  
T[uus].